



Broj: 12-30-3401-1/22
Sarajevo, 18. 11. 2022. godine

Na osnovu člana 21. stav 1. Zakona o reviziji institucija u Federaciji Bosne i Hercegovine („Službene novine Federacije BiH“, broj: 22/06) i Odluke o raspisivanju javnog poziva, broj: 12-30-3401/22 godine od 18. 11. 2022. godine, raspisuje se

JAVNI POZIV

za angažovanje vanjskih saradnika iz oblasti informacionih tehnologija za ispomoć pri reviziji

I

Ured za reviziju institucija u Federaciji Bosne i Hercegovine (u daljem tekstu: Ured za reviziju) raspisuje Javni poziv za angažovanje vanjskih saradnika iz oblasti informacionih tehnologija za ispomoć pri obavljanju revizije u 2022/2023. godini.

II

Angažman se vrši na osnovu Zakona o reviziji institucija u Federaciji Bosne i Hercegovine („Sl. novine FBiH“ broj: 22/06), Limske deklaracije o smjernicama za pravila revizije (INTOSAI-P 1), INTOSAI-jevog Okvira profesionalnih objava („Sl. novine FBiH“, broj 59/22) i Međunarodnog revizijskog standarda 620 – Korištenje rada revizorovog eksperta, s ciljem ispomoći pri reviziji i pribavljanja dovoljno adekvatnih revizijskih dokaza.

III

Angažovani vanjski saradnici će biti dužni poštivati Etički kodeks Ureda za reviziju, broj: 01-02-41/2017 od 16. 1. 2017. godine i čuvati povjerljive informacije. Angažman vanjskih saradnika vršit će se povremeno, u skladu sa potrebama Ureda za reviziju, u 2022/2023. godinu. Prava i obaveze, kao i vrsta, djelokrug i ciljevi rada lica koja se angažuju u svojstvu vanjskog saradnika bliže će se regulisati ugovorom o angažovanju (ugovor o djelu), u skladu sa internim aktima Ureda za reviziju.

IV

Pravo prijave na Javni poziv imaju lica:

- VSS -VII stepen stručne spreme, odnosno visoko obrazovanje po Bolonjskom sistemu studiranja sa najmanje ostvarenih 240 ECTS bodova, informatički, elektrotehnički, ili ekonomski fakultet – smjer informatika;
- koja posjeduju najmanje pet godina radnog iskustva na poslovima informacionih tehnologija, (pod radnim iskustvom podrazumijeva se radno iskustvo nakon stečene diplome). Prednost imaju kandidati sa iskustvom pružanja konsultantskih usluga, rada na nabavkama IT opreme i uspostavi i ocjeni IT kontrola.

V

Za prijavu na Javni poziv, zainteresirana lica su dužna priložiti:

- biografiju koja obavezno sadrži informacije o obrazovanju, radnom iskustvu i druge relevantne podatke.
- diplomu o završenom informatičkom, elektrotehničkom ili ekonomskom fakultetu – smjer informatika, univerzitetska diploma (nostrifikovane diplome, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine) odnosno, za kandidate koji su visoko obrazovanje stekli po Bolonjskom procesu uz univerzitetsku diplomu i dodatak diplomu. Izuzetno, samo u slučaju da visokoškolska ustanova dodatak diplomu nije uopšte izdavala, niti za jednog diplomca, kandidat je dužan da uz ovjerenu kopiju univerzitetske diplome, dostavi uvjerenje visokoškolske ustanove da dodatak diplomu nije uopšte izdat, niti za jednog diplomca;

Napomena: Lica koja imaju završen prvi ciklus studija, koji se vrednuje sa 180 ECTS bodova, dužna su dostaviti diplomu o završenom prvom ciklusu studija i diplomu o završenom drugom ciklusu studija, koji se vrednuje sa 120 ECTS bodova.

- uvjerenje o radnom iskustvu;

Napomena: uvjerenje treba da sadrži opis i vrstu poslova koji su obavljani na poslovima informacionih tehnologija u periodu od pet godina.

VI

Sve potpune i blagovremeno podnesene prijave će se uzeti u razmatranje, te će se obaviti razgovor sa zainteresiranim licima.

U slučaju angažmana, vanjski saradnici su dužni dostaviti uvjerenje da nisu pravomoćno osuđeni na kaznu zatvora za krivična djela sa izuzetkom krivičnih djela protiv sigurnosti u saobraćaju u skladu sa Krivičnim zakonom, izdato od nadležnog ministarstva unutrašnjih poslova.

Neće se uzeti u razmatranje prijave kandidata koji su zaposleni ili koji imaju određeni angažman u subjektima iz člana 11. Zakona o reviziji institucija u Federaciji Bosne i Hercegovine ("Službene novine FBiH", broj: 22/06).

VII

Prijavu na ovaj Javni poziv, sa svim potrebnim dokumentima dostaviti najkasnije u roku od 15 dana, od dana posljednje objave ovog Javnog poziva, lično ili preporučenom poštom, na adresu:

**„Ured za reviziju institucija u Federaciji Bosne i Hercegovine“
Ul. Ložionička br. 3,
71000 Sarajevo**

Na koverti sa prijavom obavezno naznačiti: „Prijava na javni poziv - ne otvarati“. Na poleđini koverta navesti ime i prezime podnosioca, adresu i kontakt telefon. Nepotpune, neuredne i neblagovremene prijave neće se razmatrati.

URED ZA REVIZIJU INSTITUCIJA U FEDERACIJI BOSNE I HERCEGOVINE